

光緒重修安徽通志

重修安徽通志卷八

皇言紀

高宗純皇帝詔諭

乾隆五十二年

上諭上年安徽省安慶等府州屬間被淹浸著概行加賑一月

恭紀食
貨志獨
賑

上諭據書麟奏安徽安慶廬州鳳陽潁州等府屬之十六州縣應徵舊欠及歷年災緩錢糧等項爲數較多若同時並徵民力不無拮据等

語恭紀食
貨志獨賑

上諭朕寅紹鴻圖仰承

吳眷臨御五十餘年壽躋上臺五世一堂錫光篤慶介景延禧允爲史冊罕覩昇平盛瑞茲王公大臣及直省將軍大吏等以乾隆五十五

年朕八旬萬壽願請舉行慶典預祝蕃釐覽奏具見誠惓前此朕七旬慶節內外大臣奏懇恭祝萬壽朕以徒增糜費未允所請今內而王公大臣外而將軍督撫大吏以朕壽屆八旬臣工身際昌期久承渥澤感激懼并出自積誠朕若仍不允准無以申臣下臚懽祝嘏之願轉似近於矯情且載稽前史三代以後帝王克享大年莅國最久者不過六君其年逾八旬者僅梁武帝宋高宗二君而其在位則不過三四十一年一則侯景擅權一則南渡內禪考其事蹟殊不足比數若朕躬膺上壽海宇乂寧親理萬幾孜孜不倦五十餘年如一日者實古所未有此皆朕仰賴

上天嘉佑

列祖垂庥用能膺受純熙康彊逢吉允宜光昭盛軌以答

景貺而洽輿情著照所請於五十四年舉行萬壽典禮所有一切儀文

俱恭照朕從前率天下臣民恭祝

聖母皇太后六旬七旬八旬

萬壽慶典之例備辦毋得稍有加增致滋繁費若內外臣工不能仰體朕意惟務踵事增華鋪張過甚轉非至誠愛戴之心逮時朕亦不受也至此次慶節率土歡騰宜特沛殊恩以光鉅典除普免天下錢糧一節前經降旨俟朕歸政之時於嗣君元年再降恩旨蠲免外所有此次應行加恩各事宜著內閣及軍機大臣擬開條款進呈候朕酌定另降諭旨

乾隆五十三年

上諭上年安徽省亳州蒙城等各州縣田畝被淹著加賑一月或借給口糧籽種或減價平糶分別酌辦

恭紀食貨志蠲賑

上諭據陳用敷奏徽州府屬祁門縣蛟水漲發漫溢縣城北門及東南

二門城垣女牆俱被沖塌縣監倉廩亦多塌浸並聞有淹斃居民及
沖倒房屋之處又休寧縣亦因上游蛟水下注致被淹浸等語徽州
府屬祁門各縣因蛟水陡發居民猝不及防致沖倒房屋淹斃人口
情殊可憫現在陳用敷已親往該處督察各員查勘辦理著傳諭該
撫卽詳悉查明所有應行撫卹者照例分別妥辦毋使災民失所其
城垣監獄等處實係被沖者亦卽確切估修仍將查辦情形據實覆
奏將此由四百里諭令知之

乾隆五十四年

上諭安徽宿州等處所有奏請借給一月口糧竟行賞給

恭紀食貨志蠲賑

上諭陳用敷奏安徽省江北各屬連年俱被偏災舊欠銀米業經分別
遞緩催徵本年宿州靈璧等處因黃水漫注又被偏災除被水各州
縣外其餘各處尚屬有收惟所欠各款錢糧及隨漕銀米等項連年

積累多同時並徵民力不無拮据等語

恭紀食貨志蠲賑

乾隆五十五年

上諭今歲朕居八旬壽辰敷錫兆民普天體慶特降恩旨將乾隆五十五年各直省應徵錢糧通行蠲免農民等皆可均霑惠澤因思紳衿富戶田產較多之家皆有佃戶領種地畝按歲交租今業主既概免徵輸而佃戶仍全交租息貧民未免向隅應令地方官出示曉諭各就業主情願令其推朕愛民之心自行酌量將佃戶應交地租量予減收亦不必定以限制官爲勉強抑勒務使力作小民共享盈寧之樂以副朕平惠閭閻廣宣湛闔至意

旨依議此次普免錢糧按照各直省額徵銀數將所屬各府州次第搭配分作三次按年輪免通計三年一律蠲完較之按省分年輪免各省年分先後不同者似更覺恩施早被遠近齊沾至一省之中應免

府州當先儘五十四年災緩之區首先蠲免於災黎更有裨益該督撫務須悉心籌畫妥爲分別辦理並督飭所屬實力奉行務使蠲氓均沾渥澤毋任吏胥從中影射侵漁稍滋弊混以副朕行慶施惠敷錫兆民之至意仍令各督撫自行具奏

上諭朕賴

昊蒼眷佑既逾古稀欣開八表幸得小康時懷大惕自乾隆十年以迄四十二年特布恩綸普免天下錢糧業經三次以今歲屆朕八旬壽辰仰荷

天

祖貽庥率土稱慶以至梯航重譯祝嘏來庭從古史牒實所罕覩是宜廣宣湛闡敷錫兆民以答

嘉貺著將五十五年各直省應徵錢糧全行蠲免其如何按年輪蠲之

處著大學士會同戶部卽速議奏遵行

上諭安徽宿州靈璧二處賞給一月口糧

恭紀食貨志蠲賑

上諭安徽宿州靈璧二州縣再行酌量給賑

恭紀食貨志蠲賑

乾隆五十六年

上諭安徽宿州等州縣概行加賑一月

恭紀食貨志蠲賑

乾隆五十七年

上諭朕仰蒙

皇眷慶澤延洪五代一堂誕膺多福因思朕逮事

皇祖

皇考復得元孫親見七代實爲古今罕有前曾降旨令八旗都統步軍統領順天府尹及各直省督撫詳查臣民中如有實曾親身望見祖父下逮元孫有指證者據實奏聞優加恩眷茲當歲筭開韶元正肇

慶節據內務府正白旗查有致仕上駙院卿李質穎並據馮光熊奏
忻州監生張克用趙鉅解州民人陳徽舜交城縣民人武漁河江蘭
奏濟寧州原任雲南布政使李承鄴朱珪奏欽縣捐職府知事潘起
煌均係上事祖父下逮元孫確有指證並飭造世系圖冊咨部等語
李承鄴等年跡耄耄或曾列卿寮或安居部屋親見七代五世同堂
實爲昇平盛事著加恩賞給七葉衍祥扁額字樣令該部及各該督
撫製造頒給用昭壽寓同登斂時敷錫之盛嗣後遇有續行奏到者
吏部卽照例彙題一體頒賞扁額馮光熊等摺併發

上諭上年雨暘時若年穀順成朕慮直隸山東河南江蘇安徽等省所
屬州縣村莊內有得雨稍遲及得雨稍多一隅歉收之處特降旨令
各該督撫查明具奏候朕加恩嗣據各督撫奏稱查明所屬均不成
災祇須於春閒酌借籽種口糧毋庸加賑等語現已另頒諭旨將籽

種口糧竟行賞給矣因思各直省節年民欠尚多未完之項特交該部詳查茲據查明直隸山東江蘇等省前經特頒恩旨及巡幸所經節次分別蠲免外將奉天等省未完民欠數目開單具奏此項未完銀兩雖係應徵正項錢糧但小民無力輸將以致積年遞欠若仍令分別緩徵帶徵恐茅簷部屋仍屬不免追呼所有奉天省未完民欠銀一千七百八十餘兩安徽省未完民欠銀一萬五千餘兩湖南省未完民欠銀一萬二千七百六十餘兩廣東省未完民欠銀二萬九千九百餘兩俱著加恩全行豁免該督撫務須督飭所屬徧行曉諭務使周知毋任蠹吏奸胥侵欺影射俾小民咸沾實惠共迓春禧以副朕惠愛黎元有加無已至意該部卽遵諭行

上諭前因民間私銷私鑄擬使小錢節經降旨令各督撫嚴定章程通行禁止嗣據直隸山東江蘇浙江江西兩湖兩廣四川雲貴陝西各

督撫將查辦飭禁緣由陸續奏到而福建甘肅安徽河南山西等省如何辦理之處迄今未據覆奏此等私鑄小錢攙和行使於錢法大有關係而小民趨利若鶩種種弊端各省皆所不免自應一體飭屬實力查辦其福建甘肅等省有無此弊端及如何嚴定章程設法查禁之處自應據實具奏何以遲之許久尙未奏到著傳諭各該督撫卽將各該省現在作何辦理並有無弊端之處迅速具奏毋得任意拖延致干咎戾將此各傳諭知之

乾隆五十八年

上諭前因各省查禁刪本經書惟山西廣東兩省所辦較爲認真其餘各省收繳無多不過以一奏塞責曾經降旨飭諭本日據朱珪奏安徽省先後查繳刪本經書共六十七種計八百二十四部板片二十八塊查禁尙爲實力各省督撫自應如此一體查辦但此等刪減經

書現在雖經通行禁止收繳銷燬尙難保無畱存傳布等事而督撫等以業經查奏遂漫不經心日久禁弛坊賈射利之徒復又仍踵前弊私行翻刻皆所不免著該督撫等於此次查禁後仍當隨時畱心飭屬實力收繳毋得始勤終怠視爲具文以致有名無實並著該督撫等將各屬每年收繳若干之處於五年彙奏一次以副朕整飭士風崇尚實學至意

上諭安慶池州等府屬著賞借口糧

恭紀食貨志蠲賑

乾隆五十九年

上諭朕臨御天下五十九年仰蒙

昊蒼眷佑

列聖貽庥溥海昇平梯航向化重熙累洽惟日孜孜無時不以敬

天勤民爲念行慶施惠錫祜延禧普免漕糧二次地丁錢糧四次而偶

重修安徽通志

卷八

六

遇水旱偏祲隨時蠲租賜復賑貸兼施不下帑金數千萬兩所以涵養生息子愛黎元至周且渥茲紹膺統緒明歲正屆六十年粵稽史冊前代帝王享國長久者未可多得卽有一二或係沖齡踐阼用能多歷年所朕則春秋二十有五始卽位誕膺大寶迄今八旬開四康彊逢吉五代同堂景運增隆寔瀛寧謐享國之年幸周甲子壽祚延洪實爲古今罕覩之盛事此皆上蒙

昊貺駢蕃克膺備福朕於感荷之餘彌深兢業早經欽天監推算六十年元旦日食上元月食古來史傳所載有日食修德月食修刑之說固因

上天垂象理宜修省其實君人之道於德刑二事平日本宜刻深兢厲亦何待日月薄蝕始懷寅戒之心應天以實不以文與其託諸空言寧若見諸行事之實修德莫大於愛民若覃敷恩澤加惠閭閻俾海

寓子民共臻樂利則所謂修德孰大於是所有六十年各省應徵漕糧著再加恩普免一次其應如何分年輪免之處仍著該部核議具奏至以修刑而論則停免句到卽所以恤刑但赦非善政利於宵小而不利於善良昔人卽有此論明年係六十年國慶後歲丙辰爲嗣皇帝卽位元年俱應錫慶施仁矜恤刑獄若今年停句則三年連緩募民恃有寬政作奸犯科者無所儆畏轉非辟以止辟之意是以本年仍照舊句到明年元旦著照五十一年之例不御殿不受朝賀是日午後向有諸王暨皇子皇孫等內庭家宴之例五十一年元旦日食復圓後曾經舉行明歲究係六十年周甲年分所有內庭家宴亦著一併停止舉行朕於是日亦不御禮服照每年例恭詣

奉先殿

堂子及

先師各等處行禮時御龍袍貂褂將屆日食時卽換常服以示寅恭而寓修省日月薄蝕遽度本屬有定數千百年後皆可推算而得所謂千歲之日至可坐而致但元旦上元適值日月虧蝕究爲

昊蒼示儆之象幸

天恩垂佑適在明歲爲朕卽位周甲告成之年自應祇承無數設在丙辰正月則爲嗣皇帝卽位之元於吉祥盛事轉爲未嫌是卽日月薄蝕一事而

上天之篤祐朕躬以貽我子孫萬年無疆之庥者至優至厚朕惟有益感

天恩倍深乾惕又明年乙卯爲朕臨御六十年本欲於萬壽節前由熱河回京受賀今春因中外臣工懇請舉行慶典適以上冬雪澤未獲優沾春間又復缺雨業經降旨宣諭令將明年慶典停止舉行若仍

戊戌年八月之例於萬壽前回京則王公外藩以及大小臣工必
又再四懇請舉行慶典則似朕今春所降諭旨轉爲不誠是以明年
仍定於熱河駐蹕過萬壽後再行回鑾俟至丙辰正月歸政嗣皇帝
以符正月上日受終文祖之義彼時備儀授受盛典光昭嗣皇帝率
領臣民以天下養介禧祝嘏慶洽敷天尤爲千古罕觀盛事實我大
清億萬年無疆之福也將此通諭知之

上諭上年安徽無爲州及銅陵繁昌二縣田地被淹著再賞給口糧

恭
紀

食貨志
蠲賑

上諭丙辰元旦舉行歸政典禮爲嗣皇帝登極初元允宜廣沛恩綸俾
薄海羣黎共沾湛澍著卽將嘉慶元年各直省應徵地丁錢糧通行
蠲免以示朕與嗣皇帝愛育閭閻同錫恩施至意其如何按年輪免
之處該部查照向例覈議具奏施行

乾隆六十年

上諭普免積欠錢糧

恭紀食貨志蠲賑

上諭本年爲朕臨御六十年於二月上丁親詣

文廟釋奠禮成並閱視辟雍新刊石經瞻仰

宮牆彌深景慕允宜施恩贊序嘉惠士林以光盛典

恭紀學校志

上諭朕寅紹丕基撫綏方夏踐阼之初卽焚香默禱

上天若蒙

眷佑得在位六十年卽當傳位嗣子不敢上同

皇祖紀元六十一載之數其時亦未計及壽登八旬有六也自臨御以

來仰荷

昊蒼垂佑

列聖貽庥寰海昇平重熙累洽御宇之年慶周甲子敬念維

天維

祖宗所以付託在予者至重且鉅於繼體授受之際曷敢不倍切兢兢朕前此不卽立儲之由節經頒發諭旨反覆申明蓋以歷觀史冊三代而下由漢迄明儲貳一建其弊百端前鑒具在我朝

太祖

太宗

世祖俱未預立儲位惟

聖祖仁皇帝曾以嫡立理密親王爲皇太子後竟爲宵小誘惑兼患痼疾不克祇承其時大臣中曾有以國本應行建立陳請者仰蒙皇祖聖裁獨斷

訓諭特頒不復冊立追傳位

皇考十三年厲精圖治內外肅清雍正元年

皇考卽親書朕名貯於乾清宮正大光明扁額之上又另書密緘常以自隨朕纘紹鴻業六十年間景運庥洪版圖式廓十全紀績五代同堂積慶駢蕃實爲史冊所罕覩此皆仰賴

皇祖

皇考貽謀燕翼用能啟佑後人綏茲多福朕欽承

家法踐阼後亦何嘗不欲立嫡以皇次子爲孝賢皇后所生曾書其名遵

皇考之例貯於正大光明扁上不意其早年無祿不能承受曾同大臣等啟緘閱看贈爲端慧皇太子此中外所共知者嗣於癸巳年冬至南郊大祀敬以所定嗣位皇子之名禱於

上帝并默禱所定嗣位皇子儻不克負荷卽降之罰俾臣另簡元良以爲宗社延遠無疆之福又於盛京恭謁

時敬告

太祖

太宗在天之鑒是朕雖不明立儲嗣而於宗祏大計實早爲籌定特不效前代之務虛文而貽後患耳夫建儲一事三代以後建立嫡嗣舊制相沿具載史冊若以此等歷代踵行名正言順之事爲非則朕亦非讀書稽古之人矣設名分未定或致如前史夜半宮中出片紙之語其流弊更不可言方今紀綱肅清宮府一體歷代權奸婦寺諸秕政絕無其事斷不致因儲位未早宣示致滋他慮我子孫果能效法祖宗及朕之敬

天勤民敕幾親政卽不明詔立儲實可萬年無弊然此言卽朕自問亦不敢自以爲是千萬世後必有以爲非者且令其平心觀我

祖宗及朕所行與國家之得實益政治之享太平與否可耳朕誕膺大

寶今六十年矣迴念踐阼時默禱

上帝之語并追憶朕年五旬後曾於

聖母皇太后前奏及歸政之事彼時蒙

聖母諄諭以朕躬膺付託之重天下臣民所繫望卽至六十年亦不當傳位自逸次晨朕卽以

聖母所諭默奏

上帝若能長奉

慈寧壽躋頤慶朕亦何敢復執前願乃自丁酉年以來所願既虛於是仍冀得符初志

天恩申錫竟獲周甲紀元壽躋八旬開五精神康健不至倦勤天下臣民以及蒙古王公外藩屬國實皆不願朕卽歸政但

天聽維聰朕志先定難以勉順羣情茲以十月朔日頒朔用是諏吉於

九月初三吉日御門理事召皇子皇孫王公大臣等將癸巳年所定
密繼嗣位皇子之名公同閱看立皇十五子嘉親王 爲皇太子
用昭付託定制孟冬朔頒發時憲書其以明年丙辰爲嗣皇帝嘉慶
元年俟朕長至齋戒後皇太子卽移居毓慶宮以定儲位皇太子生
母令懿皇貴妃著贈爲孝儀皇后升祔

奉先殿列孝賢皇后之次其應行典禮該衙門查照定例具奏皇太子
名上一字改書允字其餘兄弟及近支宗室一輩以及內外章疏皆
書本字之永不宣更改清書缺寫一點以示音同字異而使臨文至
朕仰承

昊眷康強逢吉一日不至倦勤卽一日不敢懈弛歸政後凡遇軍國大
事及用人行政諸大端豈能置之不問仍當躬親指教嗣皇帝朝夕
敬聆訓諭將來知所秉承不致錯失豈非國家天下之大慶至

郊壇

宗

社諸祀朕年開九秩於登降拜跪儀節恐精力稍有未充不足以將誠敬自應嗣皇帝親詣行禮部院衙門並各省具題章疏及引見文武官員尋常事件俱由嗣皇帝披閱奏知朕辦理爲朕分勞庶得更遂怡養幸躋期頤勉副天下臣民之望尤所至願現屆歸政之期已近所有冊立皇太子典禮一切虛文俱不必舉行其明年歸政一切典禮儀文著軍機大臣會同各該衙門敬謹條議以聞將此通諭中外知之特諭

御製

賜大學士張廷玉

喉舌專司歷有年兩朝望重志逾堅魏公令德光閭里山甫柔嘉耀

傳編調鼎念常周庶務勞謙事每效前賢古今政績如懸鏡時爲蒼生咨惠鮮

九月九日爲大學士張廷玉七旬壽日時朕出口未回詩以賜之

歷掌絲綸佐斗樞心依行在想晨趨

時大學士承朕命在朝總理諸務

最欣佳節當

初度要識元衡半老儒潞國晚年尤豐饒呂端大事不糊塗緘詩並寄黃花酒看取灩灩湛露濡

賜總督高斌之任

淮揚底定旱垂勳節鉞新開紫氣分自是經綸方藉展可知魚水正需殷人言入慶江南雨物望應歸冀北雲保障繭絲須識取編氓一路頌聲聞

賜江南總督尹繼善之任

淮沛今何似災餘不忍言邇來闕二輔誰與辨二飡敢靳司農帑還

祈大造恩當春應舉趾積潦尚留痕民瘼遐觀在心憂夢想存勉伊
經畫策爲我活黎元

陳世倌高斌周學健等兩江查賑回得悉近日情形稍慰怒愁因而
賦此

淮水歲爲災感感念未已每按方伯章中夜披衣起去年復大饑錢
轉安可序吾民實匪魚久處波濤裏溝壑多餓殍玉食豈能旨博賑
救目前永逸謀所以輶車簡信臣災壤命周視公帑詎惜吝高下窮
量揣諮諏洽輿論後此庶寧只復命對勤政如見吾赤子墊居式少
康東郊亦興耜淮黃流各安畎澮經伊始嗟予德誠薄致僅咎誰委
空懷飢溺思仰對

天威咫尺

題慎郡王黃山三十六峯圖

浮邱

洞天三十六黃山峰占足第一數浮邱芙蓉四時綠

飛龍

鱗鱗何之而憶向天門覩大地是幾經占乾符九五

疊嶂

新浴必振衣新沐必彈冠聞道神仙窟故應人到難

芙蓉

黃山非黟山嵐靄朝暮浮颯然風散之寫出漢宮秋

天都

天都九百仞巍然切太虛我雖未升巔仙侶原可呼

松林

松以石爲胎故得蒼而直何當立峭厓飽睇歲寒色

翠微

山深含溼翠，翠滴山承之。彷彿謫仙人，幽壑橫琴時。

紫石

紫石連青巒，干霄殊岷嶠。古寺號祥符，便欲尋荒碣。

擲鉢

仙僧擲鉢去，鉢畱不能舉。我更難重拈，惟道可惜許。

聖泉

名字本相形，有貪斯有聖。泉自無分別，漠然寒且淨。

仙都

何處非仙境，此地會而都。借問驂龍侶，雲轡半有無。

軒轅

峰頂芝光紫，峰霄松影碧。是處豈崆峒，駐有軒轅跡。

九龍

層巒各蜿蜒變化成九龍恰似披橫幅名家陳所翁

棋石

圓子星蹠布方枰玉樣陳孤松立其側恰似爛柯人

紫雲

延緣柏木源攀陟紫雲峰尙憶溫伯雪青蓮此處逢

青鸞

軒轅振羽翰凝望何時翫疑駕帝車來到此不飛去

上昇

阮公昔得道白日此上昇至今溪澗畔空聞仙樂聲

雲際

出岫雲成峰雲峰岫難辨依稀聽其閒似吠淮南犬

桃花

桃花峰下水亦名桃花源匪爲秦人芳卻因晉隱尊

鍊丹

仙人鍊丹處孤峰天與齊丹成久仙去空自餘刀圭

雲外

觸石生輕雲俄浮滿空靄迴首望丹崖依約雲以外

望僊

玉筍何嶽嶽仙蹤已渺邈是處有名言可望不可學

清潭

貯如仙掌露瀉似天河源時有唼藻鱗卻避掇果猿

石門

靈境多祛人時復藉人賞不緣自關門誰能領來往

雲門

沓嶂渺難卽糾蘿不可攀惟向畫圖內時時叩雲關

容成

我已識容成容成不識我以此例學仙不及劫餘火

石柱

撐霄何岌岌千秋鎮古歛因會爲學方所貴矯然立

獅子

文殊騎以來化石昂其首每當萬籟寂似聞一聲吼

丹霞

複嶺互窈窕怪石爭谿谿當時爐火氣天半餘丹霞

石人

何來醉仙人卓立九秋清似盼浮邱子排空駕鶴征

重刊古詩集卷之二
僊人

無知莫如石頗與僊人類設云僊似石冠履殊倒置

布水

網水垂淪漣宜聽復宜望頗覺勝匡廬限以三百丈

石牀

名山多奇書不入世人目我欲移石枕玉簡從頭讀

采石

采石真采石璀璨紛珠璣策杖者高士應緣漱齒歸

硃砂

軒轅昔慕道敝屣袞冕華至今第四峰猶聞漏丹砂

蓮花

簇簇玉井蓮太華匪當對誰知萬里遊卻在寸心內

題宋郡守歐陽修像

侍郎裴曰修典試江南道滁州見醉翁亭故蹟彼有藏歐陽修小像者攜以來舉沈德潛爲乞文徵明題辭故事允其請書以還之

是誰三徵儼圖諸太守風流憶治滁題詠名高宋人物

幅間有李端叔見悅之所

歷操絃韻軼古樵漁

謂蘇軾

醉翁樂匪山林也遺像逸真水月如節

使新從醴泉過依然鄉井下風餘

賜安徽巡撫託庸

迎江來接駕咨政引同舟其濟義應繹勤宣業可修老看身益壯人

食實無浮虹宿被災地欽哉舊恤賜

賜安徽巡撫託庸

又下大江來舟行許厖陪我因咨厖隱遂以訪羣材節操古松似精神秋水哉恐妨謨程吏數日始教迴

安徽巡撫閔鶚元來親卽命回任詩以示悉

親細戒忘巨飭行要敬居在權輕重際莫負命提初河決下流處民艱深切予速回理賑務豈必尾鑒與

賜安徽巡撫富躬

分巡數十年摧撫自承宣無礙馮唐老應思黃霸賢鮮民愼於後疏獄戒其前速返勤諸政休因扈蹕延

書詞林典故序畢因以賜大學士張廷玉兼成四絕句

儘有研京並錄都導言何用但吹竽便將翰苑登瀛譜喚作卿家世系圖

日影花飄鈴索靜春風芸署榜題雙寶山自古稱佳話事業何人繼曲江

韻集燕公四十賢

對昭禹云五言律如四十詩賢人

晨星數罷一淒然

朕幸翰林磨吟者如大學

上鄂爾泰尚書張照卽看壁府裒成集重憶柯亭劉井邊

見說房公獨善謀皤皤長領風池頭更兼兩世桓榮席誰不云然勝

一籌

安徽巡撫訥敏陞見入京茲以東巡扈駕便道遣赴皖任並賜以詩

屬車扈從轡如琴敬慎還同在羽林廣和底多誇藻采

訥敏頗能詩是行凡令隨

駕諸臣廣和之作彼亦和之要須識我愛民心

大學士張廷玉年幾八袞猶日趨朝念其敬慎夙著特加優禮命五

日一入內廷備顧問如宋文彥博故事更成是什以勸有位

職曰天職位天位君臣同是任勞人休哉元老勤宣久允矣予心體

恤頻潞國十朝事堪例汾陽廿四考非倫最茲百爾應知勸莫羨東

門祖道輪

大學士勤宣伯張廷玉屢以年至乞休慰畱未允近見其齒躋大耋

精力視前較減優旨予告俟開春冰泮登舟賜詩三章以示眷注

早懷高義慕懸車異數優畱爲弼予近覺筇鳩艱步履得教琴鶴返

林間銀毫無奈吟輕別赤芾還看賦遂初准以原官致仕伯擬問蘭

陵二疏傳可曾廿四考中書

兩朝綸閣謹無過況復芸窗藉琢磨此日蘭舟歸意定一時翰苑恨

思多善娛鄉黨銷閒晝穩趁帆風送去波南國詩人應面晤謂沈德潛爲

詢食履近如何

坐論朝夕久勤宣閒別何能獨惘然同事當年今幾在御極初所同

爾泰朱軾徐本徐元夢等物故者指不勝屈今大學士張廷玉又以老告歸矣得輿碩果又言旋江湖卿樂

眞饒後廊廟吾憂詎忘先指日翠華臨幸處歡顏前席問農田

大學士勤宣伯張廷玉先奉

皇考遺詔將來配饗

摩延今經予告懇款陳情亟慮浮議將弗克邀

殊眷朕既明頒詔旨並成是詩書以賜之以爲左券也

造膝陳情乞一辭動予矜惻動予悲

先皇遺詔惟欽此去國餘思或過之可例青田原侑廟漫愁鄭國竟摧碑吾非堯舜誰皋契汗簡評論且聽伊

免江南積欠二百七十萬及浙江本年正供三十萬兩省在京臣工具摺謝恩詩以示之

御宇十六年敬勤盟宥密日久虞或懈觸事屬無逸祇此保赤懷自信始終一際和賴

天庥宜與民休息正供三百萬概免施恩恤念茲江浙地財賦之所出豈能無水旱曾未靳賑恤閭閻象如何觀民將啟蹕正逢大慶歲

慈寧開六袞兩江積逋多蠲除惟一律浙省歲額完足占民俗質示嘉

量寬徵庶免追呼疾百工佐予者寰海等寧謚爾雖懷桑梓予惟責
名實但期一德同言謝均奚必在易有至訓惠勿問元吉

賜兩江總督黃廷桂

迎鑾衛警蹕建節久旬宣體我勤民德嘉卿率屬賢何須張錦帳惟
喜閱鱗田細驗剛柔俗周諮豐歉年咸中方有慶虛已自無偏此地
人文盛還淳尙勉旃

南巡賜梅穀成詩

無欲有精神趨迎清浦濱閉門惟教子下榻不延賓能駐西山日引
恬江國春推恩緣念舊

皇祖內廷臣

洪澤湖恭依

皇祖詩韻

翠華六度事非虛昏墊常憂淮與徐疏導遠同神禹蹟至今民免歎
爲魚

黃山松樹子歌

我聞黃山其峰三十六水源三十六高高插天雷雨在其麓靈仙窟
宅奧且祕嵌巖茈赬多喬木松膏入地爲琥珀黃帝容成以鍊丹砂
得仙籙老松蟠根閱千載剛斧不能移之乃有新松側出裂硯磊新
松一一皆古形樵人好事連根采挂千尋壁枝夭矯采者長緼繫軀
窮窈窕巧斲山骨得全株嗟哉爲利忘軀殊不少金幢瓔珞紛縱橫
亞盆埴壘含濃青如繪蓬山列仙會垂髻之童皆老成黃山之松今
卽古黃帝容成何處所

復降旨加賑江南被災州縣詩以示總督尹繼善及地方大小諸吏
新正寬大詔蠲欠江浙暨翠華昨發軔加賑已次第茲入江南境宿

桃目所擊

叶

百家鮮積糧麥苗猶在地夏收云尙遙是宜善安置吾

民藍縷多嗟此飢寒輩游災乃若斯懸懸誰所致養老及矜貧雖日

頒緹騎

命親隨侍衛等齎養老牌以賜高年其係貧窘者則給以白金

尙念溝壑憫匍匐或艱至已

加寧再加茅檐庶均逮以及安慶屬一例俾霑賜旣毋事催科其善
勤撫字漏卮何處無莫使侵胥吏

命總河白鍾山巡撫高晉同往會商疏濬荆山橋堵塞毛城鋪等工
詩以示志

去秋河爲災乃在孫家集漫漶未填築遂致洪波吸亟命事修防亦
得成功並其如已洩波往往淤泥積荆山橋下川較昔高數尺微山
乃倒漾沛魚今在澤黍恐不能種而沉翼收麥疏淪莫惜費此實目
所急同時毛城鋪分流減來脈治標出無奈隄城應卽塞而何值邇
近河臣數經易因循置度外廬鳳復遭厄二患均要務展轉增反側

瀉者塞其流渟者疏其偏往哉相和衷宣防勦奏績詎可惜一勞未
敢期永逸但望夏田耕稍救民殘息斯則宣力多豈在日扈蹕
賜安徽太湖縣民朱憲章夫婦同登百歲詩

儘有老翁及耆媼鮮聞婦歲等夫年成雙上壽真希覲覓匹寧區孰
並肩四代孫曾聚堂戶一家耕讀樂鄉田重熙喜值閭閻泰用紀人
祥叶藻篇

洪澤湖恭依

皇祖詩韻

事在人爲語豈虛崇隄修築敢通徐事在癸酉年重來細閱工堅否詎爲

春波看打魚

賜安徽巡撫高晉

江分上下各撫治簡劇因之寄任殊以汝慎勤應勝此鳳廬其念游

災區

賜安徽學政劉埔

海岱高門第

劉埔統
勲之子

瀛洲新翰林爾堪擬東箭其善揀南金河戎伐

檀訥薪勤芄域心家聲勉承繼莫負獎期深

欽差工部侍郎夢麟總河白鍾山等奏報荆山橋疏浚工成命議敘
董事諸臣詩以紀事

去年秋溢孫家集大事菱槎塞決口餘波泥濘荆山橋微湖路塞水

不受連延數郡被災沴未涸春田農束手加賑聊以救目前善策亟

爲籌其後冬官之亞適隨鑿相度疏排汝其懋

叶

南北河臣

江南總
河白鍾

山河東總
河張師載

胥本賁毋分疆界連臂肘集役備物發帑償守土臣職晉

也就

叶安徽巡
撫高晉

同心合力勲宣防豈在清塵共奔走淪濬兩月工始

成荆山水洩四臣奏

叶

二麥雖已失餅餌大田庶可播畝畝酬勞獎

續舊則應消患致和吾益忤

旨旨截漕十萬石爲徐州鳳陽各郡縣倉儲之備詩以言志

加賑至夏五民猶未免飢平糶及借種諸政命齊施常平雖積貯展轉將無遺我身縱止來我心每南馳彭城實親歷瘟疫方乘時不待監門圖目覩嗟流離鳳陽所屬縣聞亦同沛徐叶惠但施經見向隅豈其宜夏非截漕時災重不可泥叶分貯補倉缺緩急可賴之與我共治者寧非良有司體此在抱心推行其善爲

哭汪由敦

贊治常資理論文每契神在公誠匪懈卽世信何因言行遺編簡老成謝搢紳奠臨攄一慟底計日當辰

侍郎裘曰修安徽巡撫高晉奏報上江水利告竣得詩十四韻

安徽東北鄙實介豫淮中黃濱地棧北洪湖天塹東眾川如有阻大

壑致難通泛濫誠堪畏流離害莫窮事雖未經目患每座於躬爾首
爲方伯曰修汝亮工事因和始集理以晰方融更漫辭勞勛須相勵
諒忠流疏濰河茨河淺沙潛翟橋洪河隆瀦預陵崔孟三湖潦消靈
宿虹三縣孟冬初顧役首夏告成功災後代資賑圖長計慎終允能
體予意庶略起民瘥永念剔髣蹟瞠乎敢曰同

降旨分別緩徵滁泗等處積欠詩以紀事

大課疏排始道災惟廬田尚有汙萊登秋合是今年賦積欠難教眾
力握政拙催科爾休矣心勞撫字我同哉義經損益頻觀象畱一分
餘元氣培

安徽巡撫書齡奏呈鄉民乞赆得米詩以誌事

草根與樹皮窮民禦災計敢信賑恤周遂乃無其事茲接安撫奏災
黎荷

天賜空蕨聊餬口得米出不意磨粉攪以粟煮食充飢致得千餘石多
而非村居地縣令分給民不無少接濟并呈其米樣煮食親嘗試嗟
我民食茲我食先墮淚

乾坤德好生旣感旣滋愧愧感之不勝遲忍稱爲瑞郵寄諸皇子令皆
知此味孫曾元永識愛民悉予志

重修安徽通志卷九

皇言紀

仁宗睿皇帝詔諭

嘉慶元年

恩詔直省各學廣額

恭紀學
校志

上諭安徽鳳陽泗州所屬被淹地方分別賑卹

恭紀食貨
志獨賑

嘉慶二年

上諭安徽宿州等五州縣災民照例給賑

恭紀食貨
志獨賑

上諭安徽合肥等六州縣被旱著按照分數給予賑濟

恭紀食貨
志獨賑

嘉慶三年

上諭安徽宿州等州縣著加恩賞給口糧

恭紀食貨
志獨賑

嘉慶四年

恩詔直省各學廣額

恭紀學
校志

上諭現屆長至

闕丘大祀

高宗純皇帝

升配禮成自應仰推

皇考慈恩用敷惠闡

恭紀食貨
志蠲賑

上諭安徽亳州等州縣著再加恩賞給口糧

恭紀食貨
志蠲賑

上諭安徽盱眙五河等七州縣著加恩給予賑濟

恭紀食貨
志蠲賑

嘉慶五年

上諭安徽宿州等三州縣概行展賑一月

恭紀食貨
志蠲賑

上諭安徽宿州等處再行展賑兩月

恭紀食貨
志蠲賑

上諭安徽宿州等三州縣著加恩展賑

恭紀食貨
志蠲賑

上諭安徽鳳陽等四州縣賞借一月口糧

恭紀食貨志蠲賑

嘉慶六年

上諭安徽宿州等州縣概行展賑一月

恭紀食貨志蠲賑

嘉慶七年

上諭安徽宿州靈璧等處一體照例給賑

恭紀食貨志蠲賑

上諭據費淳王汝璧奏審明宿州戕官放火劫庫劫囚首從各犯分別辦理一摺已交三法司核擬具奏矣此案當費淳等初次奏到時朕以該處百姓戕官放火必係該署州平日居官有取怨於民之處或此次辦理賑務有剋減侵漁等弊以致釀成事端特降旨諭令費淳等詳細確查如查明該署州果有殃民激變情事則貪劣之員法所不貸雖本身業已被戕尚當將其家屬治罪以儆官邪並不因恐長百姓刁風遂置之不辦今據費淳等查明該署州章鼎平時官聲尚

好本年辦賑亦俱妥協惟於該匪等十月間收徒演習私造刀鎗未能查辦其咎止於失察該匪王潮名等皆係本地民人膽敢捏造兇語託名邪教糾約黨徒戕害官滋事劫庫劫囚以食毛踐土之民公然肆其梟獍戕害官長滋擾鄉里實屬罪不容誅章鼎平日居官既無敏怨召釁劣蹟慘遭戕害殊堪憫惻著加恩照陣亡例賜卹伊妻許氏見人眾勢兇遂懷印信躲避不致遺失尚屬曉事竝被賊鎗傷其目著費淳王汝璧傳旨酌給盤費銀兩資令回籍竝咨查章鼎原籍如尚有子嗣卽將應得世職令其承襲仍俟服滿後帶領引見如無子嗣卽令伊親姪章鸞襲職承嗣把總胡玉一聞州庫被劫首先前往救護中矛身故把總賈沛外委張永清均以殺賊陣亡俱著咨部加一等賜卹其被戕之都司楊奎守備金振兵丁宋山萬玉春曾文華張成志宋元該州親屬幕友章馥邵泳沈以懋陳震宋太和范犀

亭陣亡紳士秦攀元兵丁趙永俊徐得明熊山曾尚友張志邦馬得忠童有年吳註鄉勇杜如山陳如玉劉懷信陳大有周四海許添五劉岳均著咨部賜卹至單開剿堵出力文武各員除鳳陽府知府楊廷瑛遊擊舒凌阿守備艾鳳翔業經降旨議敘外其試用直隸州州判張尚勛試用縣丞李佑民黃光裕方宗敷千總武偉黃占魁俱著交部議敘至該處紳士等聞知該匪滋事之信莫不志切同仇不待官爲勸諭卽已雇募鄉勇二千餘人不分晝夜堵住四門使該匪等不能竄出官兵始得入城搜捕且能殺賊多人急公奮勉實屬可嘉休致遊擊徐大鵬著加恩起用並賞戴花翎卽送部引見武舉強彩堂著以千總補用武生強治平秦攀魁秦攀萼邱惠玲潘經明趙辛遠呂元剛均著以把總補用監生單佐商著以佐雜補用以示獎勵摺單併發

嘉慶八年

上諭安徽宿州靈璧等州縣衛著加恩將嘉慶二年出借口糧積欠概予豁免再上年成災給賑之二十州縣亦著賞給一月口糧

恭紀食志蠲

賑

上諭安徽省宿州並長宿二衛自嘉慶元年至七年未完丁地屯折等

項著加恩全行豁免

恭紀食志蠲

上諭上年冬間宿州匪徒滋事時據費淳等奏稱按察使珠隆阿首先帶兵入城圍拏身受重傷冒險進逼使賊匪無路奔逃旋經辦淨甚屬奮勇當已將珠隆阿賞戴花翎立交部從優議敘矣昨珠隆阿到京陛見朕見其身被多傷尚未全愈殊堪憐憫復命軍機大臣詳細詢問據稱彼時聞信馳往因恐賊匪驚竄預將該州三門堵住珠隆阿卽帶家人兵勇由西門衝入立時鎗斃賊匪數十人該匪等奪路

奔竄抵死抗拒珠隆阿猝被兜圍以致頭目手足其受傷十六處猶復親斃數賊經家人鄉勇等併力齊上賊始潰散等語似此奮不顧身勇往殺賊卽在軍營將備中已屬難得況珠隆阿係屬文員尤堪嘉尚著再加恩賞給法福哩巴圖魯名號於例賞銀一百兩外再加賞銀一百兩俾資養傷並賞給琥珀朝珠一掛大綬二正以示優獎至隨從珠隆阿入城殺賊之張慶於賊首王潮名在州署中指揮眾賊時立用擡鎗擊斃亦屬出力詢之珠隆阿據稱張慶並非家奴張慶著加恩以外委錄用卽交珠隆阿帶回安徽省入於宿州營伍當差並賞給珠隆阿寧緞四疋令其分賞出力家人

上諭安徽省宿州地方連年疊被水浸去冬又經匪徒滋擾茲據奏到遞年災緩實欠在民之項著加恩全行豁免

恭紀食貨志蠲賑

上諭安徽省向設有壽春鎮總兵一員歸江南提督節制

恭紀武備志

嘉慶九年

上諭安徽鳳陽府屬上年間被水旱加恩賞借一月口糧

恭紀食貨志錄賑

上諭安徽省濱江各屬及江北一帶貧民著加恩賞給一月口糧

恭紀食貨志錄

賑

嘉慶十年

上諭上年安徽池州等府屬間被水災著加恩賞給一月口糧

恭紀食貨志錄

賑

上諭安徽省濱臨淮泗各屬著再行賞給一月口糧

恭紀食貨志錄賑

上諭鳳陽鳳臺五河懷遠壽州泗州天長七州縣無力農民加恩賞給

一月口糧桐城潛山蒙城三縣應徵新舊錢漕等項均著緩徵

恭紀食貨志錄

賑

上諭各省巡撫中兼提督銜者有節制各領統轄閩省營員之責前曾

准令戴用花翎以資表率現在山東巡撫長齡河南巡撫馬慧裕俱先經賞戴花翎其江西巡撫張師誠安徽巡撫初彭齡山西巡撫成齡均准其戴用花翎嗣後此五省巡撫簡任時卽准其照例戴用如調任他省有旨賞戴方准戴用

嘉慶十一年

上諭安徽鳳陽懷遠等七州縣著加恩借給籽種

恭紀食貨志蠲賑

嘉慶十二年

上諭上年安徽省壽州等十二州縣被水淹浸著加恩借給籽種

恭紀食貨志蠲賑

志蠲賑

上諭江西湖南宿州等十三幫漕糧計船六百六十餘隻此時尚未渡黃所有此項漕米七十二萬四千餘石著分撥江蘇二十萬石分撥安徽十萬石各於災歉之區量爲平糶所收價值卽著於各該藩庫

丙存貯報撥

嘉慶十三年

諭安徽潛山縣屬吳塘堰土壩

恭紀河渠志

上諭上年安徽省當塗潛山等州縣先後被水被旱著加恩賞給口糧

籽種

恭紀食貨志蠲賑

嘉慶十四年

上諭上年安徽省潛山懷寧等州縣衛田地多被淹浸著再行賞給口

糧

恭紀食貨志蠲賑

旨禮部議覆董教增奏遠年世僕請分別開豁一摺所議尚未允協安徽省徽州寧國池州三府向有世僕名目查其典身賣身文契率稱遺失無存考其服役出戶年分亦俱無從指實特遇其有捐監應考等事則以分別良賤爲詞疊行訐控而被控之家戶族蕃衍又不肯

悉甘污賤案牘繁滋互相仇恨允宜核實持平以端風化前據董教增奏世僕惟以現在是否服役爲斷現在服役者如主家放出三代後所生子孫方准捐考若事在前代卽曾經葬田主之山佃田主之田而出戶已百餘年及數百年者一體開豁爲良立論甚爲允當今禮部議令自國初以後雖現在不與奴僕爲婚並未報官存案者令地方官隨案查明以立案之日起限俟三代後所生子孫方准捐考恐紛紛查辦胥吏從中指勒轉滋流弊著仍照董教增所奏該處世僕名分統以現在是否服役爲斷以示限制若年遠支契無可考據並非現在服役象養者雖曾葬田主之山及佃田主之田著一體開豁爲良以清流品

嘉慶十五年

上諭上年安徽旴眙天長等州縣衛地畝成災著再賞給口糧

恭紀食貨志錫

賑

上諭安徽省安寧太鳳泗和等府州屬著分別蠲緩

恭紀食貨志蠲賑

嘉慶十六年

上諭上年安徽省安寧太鳳泗和等府州屬被災著再賞給口糧

恭紀食貨

志蠲賑

上諭安徽省宿州靈璧泗州三州縣賞給口糧並令將應行蠲緩賑濟

之處查明具奏

恭紀食貨志蠲賑

上諭安徽鳳陽泗州等屬各州縣衛著分別蠲緩

恭紀食貨志蠲賑

上諭前據長齡奏勘明河南永城等三縣被水情形已降旨將該縣等分別豁免錢糧並諭令章煦錢楷等將江蘇安徽被淹地方迅速查明具奏茲據百齡等將各州縣被水情形繪圖貼說具奏除俟該撫查明應行賑撫各事宜另行加恩外所有被災最重之江蘇碭山安

徽州二州縣著加恩將應徵地丁錢糧豁免三年其被災次重之安徽宿州靈璧二州縣著加恩將應徵地丁錢糧豁免二年被災較輕之江蘇蕭縣安徽五河二縣著加恩將應徵地丁錢糧豁免一年該撫等卽徧貼謄黃務使被水窮黎周知無遺以示朕軫念災區早施恩澤之至意

上諭錢楷奏查明宿州靈璧泗州等州縣被水田地錢漕銀米請旨分別蠲緩一摺

恭紀食貨志蠲賑

嘉慶十七年

上諭安徽省宿州靈璧泗州貧民概行加賑一月被水被旱之八州縣俱賞給口糧

恭紀食貨志蠲賑

上諭安徽鳳泗各屬本年因雨水被淹自應分別核辦

恭紀食貨志蠲賑

上諭著加恩將安徽省積欠未完銀分別緩徵

恭紀食貨志蠲賑

重修安徽通志

卷九

七

嘉慶十八年

上諭上年安徽省鳳陽泗州等處被水被旱著再賞給一月口糧

恭紀食貨

志蠲賑

嘉慶十九年

上諭上年安徽省被水被旱各州縣著加恩展賑一月

恭紀食貨志蠲賑

上諭將安徽省成災六七八九分之合肥等二十二州縣照例給賑

恭紀

食貨志蠲賑

上諭御史胡承珙奏陳賑務利弊一摺本年江蘇安徽兩省被災較重節經降旨蠲緩賑恤不惜億萬帑金以全民命當此嗷嗷待哺之時全在地方官實心實力經理得宜不使一夫失所方稱朕誠求保赤之意若如該御史所奏領銀時藩庫書吏借款剋扣領賑後州縣書吏藉端開銷委員協同查辦或需索供應或通同侵匿造報戶口冊

籍或舞弊浮開或藉詞折算以及設廠遠近失宜散賑早晚失所糶米煮粥攪和沙灰給錢折銀短串扣平等弊則國帑半就虛糜災民何能均霑實惠著傳諭百齡張師誠胡克家將該御史摺內指出各弊端當盡心剔除選擇賢能之員認真查察務令廩藏所頒絲毫皆及窮黎以期多所全活保衛民生爲要該御史摺著發給閱看將此諭令知之

嘉慶二十年

上諭上年安徽各州縣被水被旱著加恩加賑加實口糧

恭紀食貨志蠲賑

上諭安徽省泗州等州縣衛一律辦理給賑

恭紀食貨志蠲賑

嘉慶二十一年

上諭戶部奏請嚴催江安二省積欠一摺江蘇省江寧蘇州所屬並安徽省各屬嘉慶元年至十四年未完積欠地漕銀兩前於十七年間

降旨分限四年完納此內宿州等州縣分限六年完納其定限四年者扣至本年八月俱經屆滿茲據戶部查明江寧蘇州兩藩司所屬尚有未完初限銀五萬六千五百五十七兩零二三四限並緩徵銀七十七萬七千八百三十七兩零均未據題報安徽省除宿州靈璧泗州五河四州縣限期未滿外其餘各屬應徵積欠銀兩亦未據題報實屬延玩著該督撫實力嚴催將各屬前項積欠地漕銀兩上緊完交造冊報部毋再遲延其經徵督徵不力各員先行查取職名交部議處

上諭著加恩將宿州靈璧懷遠鳳陽泗州五河並各衛貧黎賞給口糧

恭紀食貨
志竊張

上諭康紹鏞奏查明赴京呈控已未完結各案一摺安徽省本年四月以後奏咨各案除經康紹鏞審明擬結八案外其遲延逾限未經審

結者尚有七案自係從前承審各員因循疲玩所致務卽督飭迅速審辦毋任稽延朕聞外省發審案件承審各衙門接到公文時往往爲書吏壓攔先向原被告輟轉關說將屆限滿始將公文呈出承審官慮干逾限處分不及詳細推求聽斷草率出詳以致案情不確且有意遲延不結者是該管州縣不過虛有其位而其權悉歸書吏殊屬廢弛嗣後該督撫等務當嚴飭所屬於接到發審公文時先計其道路遠近核算時日如有遲逾卽將該書吏究明懲處庶積壓公文之弊可除而積案自可漸次清釐矣將此通諭知之

嘉慶二十二年

上諭蔣攸銑奏嚴禁茶葉海運一摺閩皖商人販運武彝松蘿茶葉赴粵省銷售向由內河行走自嘉慶十八年漸由海道販運近則日益增多洋面遼闊漫無稽查難保不夾帶違禁貨物私行售賣從前該

二省巡撫並不查禁殊屬疏懈念其事屬已往姑免深究嗣後著福建安徽及經由入粵之浙江三省巡撫嚴飭所屬廣爲出示曉諭所有販茶赴粵之商人俱仍照舊例令由內河過嶺行走永禁出洋販運儻有違禁私出海口者一經拏獲將該商人治罪併將茶葉入官若不實力禁止仍聽私運出洋別經發覺查明係由何處海口偷漏除將守口員弁嚴參外併將巡撫懲處不貸漏稅事小通夷事大不可不實心實力杜絕弊端也

上諭上年安徽省宿州等州縣被水著加恩賞給口糧

恭紀食貨志續賑

上諭安徽省安慶太平鳳陽泗州四府州屬本年地丁錢糧均按災分

蠲免

恭紀食貨志續賑

嘉慶二十三年

上諭上年安徽五河等縣被災著各賞給一月口糧

恭紀食貨志續賑

上諭著加恩將宿州靈璧泗州並屯坐各衛分別給賑應徵本年丁地

等項各按成災分數蠲免

恭紀食貨志蠲賑

上諭明歲爲朕六旬正壽所有各省節年民欠以次豁免

恭紀食貨志蠲賑

嘉慶二十四年

上諭孫玉庭等奏採辦糧毛請改由水路運京一摺安徽省採辦糧毛向由陸路解京據該督查明應發沿途夫價及委員盤費需用較多請改由水路運京著照所請嗣後該省應解糧毛卽照解送白麻之例改用船隻運送以節勞費所需運腳准其於白麻每百觔二兩六錢八分零之外加給水腳銀一兩惟此項糧毛該省缺解已多現在庫存不敷應用前經工部奏催著卽迅速辦解飭令委員加緊挽運毋稍稽遲

上諭上年安徽省宿州等州衛閒被水旱著加恩展賑一月靈璧泗州

五河鳳陽俱賞給一月口糧

恭紀食貨志

上諭著加恩將亳州蒙城太和鳳臺懷遠鳳陽靈璧五河均賞給一月

口糧

恭紀食貨志

上諭安徽鳳穎一帶先行賞給口糧至成災各州縣本年錢糧漕項銀

米分別蠲免

恭紀食貨志

上諭姚祖同奏安徽省有短交倉庫正雜款項之員現任者請先停其升調候補試用者先停其署事補缺等語州縣虧缺倉庫錢糧本有應得之罪予限完繳已屬寬典若仍准其升調署補或朘削民膏以補虧項既於吏治有妨或挪移完解舊虧雖補新虧又增仍與未完無異此不獨安徽一省宜然著通諭直省各督撫嗣後凡查有虧空之員現任者俱停其升調候補試用者俱停其署事補缺仍隨時咨部以備查考毋得稍有徇隱

上諭孫玉庭等奏查明安徽節年借修隄壩各工民欠實數一摺

恭紀食貨

志滿

上諭安徽省自嘉慶元年至二十二年民欠著全行豁免

恭紀食貨

嘉慶二十五年

上諭上年安徽省亳州等州縣被淹著再加賞一月口糧

恭紀食貨

御製

賜趙文楷詩

丙辰額俊典依前教養菁莪六十年

皇父以丙辰建元特開恩科六十年開會榜共二十七次

今承

恩旨以丙辰爲嘉慶元年仍命依例開科貢承久道化成之效爾

壽字作人昭化洽金階選士聽臚傳榜懸龍虎彤墀直雲護旌旗紫軼

連文楷嘉名殊雅正爲霖渴望副求賢

科場文體期於雅正本科狀元趙文楷所冀願名思義以

副其資霖雨濟時克協求賢盛典有厚望焉

重修安徽通志

卷九

二

巡撫箴

竊區庶民委託巡撫激濁揚清知其甘苦遇歉亟拯盡心救補格彼
愚癡籌思生聚常存公忠無任喜怒哀穆若清風化若時雨可望小康
德洋澤普咸矢敬勤收寧疆土

提督箴

天下屯營難以數計提督總兵官階次第副參遊都統歸節制選拔
必公勿貪貨幣練士必勤獎勵材藝老弱汰除采擇精銳備足患消
金甌永衛爲國干城欽承勿替

布政使箴

面省政治惟汝承宣旌別淑慝黜劣興賢水旱賑卹力救顛連出納
錢穀職守毋愆清忠敬慎剛直貞堅愛民節用持正戒偏祛邪獎善
化美俗遷淳思勿懈史冊永傳

按察使箴

臬事汝司民命國脈念切祥刑懲一警百振挈紀綱剔除惡逆聽訟
勤明洗冤立釋獄不稽留平反保赤法律聿修憲度日闢封章勿遲
愼理郵驛盡職殫誠九有沐澤

重修安徽通志卷十

皇言紀

宣宗成皇帝詔諭

嘉慶二十五年八月二十七日

奉

天承運

皇帝詔曰我大清篤承

天眷粵自

太祖

太宗肇造洪基

世祖統一區夏

聖祖

世宗

高宗德盛化神重熙累洽我

皇考大行皇帝臨御天下二十五年兢兢業業宵旰不遑以勤求上理
政治休明朝廷祇肅仁心仁政治洽於寰區用是中外乂安萬民蒙福
方期景祚延洪永膺多祐詎意

臨幸灤陽遽升

龍馭

聖志先定於

親政之歲卽以神器默屬藐躬朕自惟游德深懼弗勝顧念
列聖貽謀

皇考付託大位不可久虛勉抑哀忱欽遵

成命於八月二十七日祇告

天地

宗廟

社稷卽皇帝位以明年爲道光元年仰紹

前徽撫衷寅惕際新綸之昭布宜錫類以推恩所有應行事宜條列於左於歲膺茲繼體用康乂我兆民弼予仔肩式敬承夫丕緒諸王文武大小臣工其各抒忠悃翊贊鴻猷以光我國家億萬年無疆之祚布告天下咸使聞知

恩詔直省各學廣額

恭紀學
校志

上諭安徽鳳陽潁州安慶廬州等屬賞給一月口糧民屯錢糧按數蠲

免

恭紀食貨
志蠲賑

道光元年

上諭上年安徽鳳臺等州縣被水被旱著加恩展賑一月其例不給賑

之州縣加賞一月口糧

恭紀食貨志補張

恩詔直省各學廣額

恭紀學校志

上諭寶國府屬之南陵縣田畝被淹發銀三千兩以爲撫卹口糧修葺

房閒之用

恭紀食貨志補張

上諭著加恩將宿州靈璧泗州貧民均賞給一月口糧

恭紀食貨志補張

上諭著加恩將安徽宿州等州縣均按成災分數給賑

恭紀食貨志補張

上諭各直省督撫所有兩司道府州縣以及營伍員弁內如有實在才德兼優認真辦事者著出具切實考語密摺保奏歷任後除公罪不論外若作奸犯科身罹私罪惟該保之督撫是問如有貪婪不法以刻爲明或年老昏愎不能辦事者亦著據實參奏不可任其尸祿有害生民爾督撫等均受

皇考深恩簡用封疆大吏宜各矢公忠爲國爲民慎毋虛應故事以副

朕整飭官方任賢去邪之至意

上諭各省督撫鹽政織造關差向遇年節萬壽均有呈進方物之例惟是行之有年不免踵事增華有加無已雖經

皇考屢申飭諭尚未能盡除浮靡茲朕在諒陰之中若不先行示諭定以限制一俟釋服後自必相率效尤紛紛呈獻是以朕將從前貢目詳加披閱例應貢者准其呈進可刪者卽行刪去嗣後應進方物之處俱著遵照硃筆圈出之物件數目照例呈進毋得任意加增設遇某項不敷採辦儘可缺而不貢斷不准將別項數目加增或以他物代進其吉祥貢一端著永行停止發去硃圈貢目仍各遇便數回以備查核至廣州將軍並無兼理關稅事務其每年例貢著毋庸呈進

特諭

上諭卿祖培奏請除採買倉穀積弊一摺

恭紀食貨志儲積

重修安徽通志

卷十

道光二年

上諭上年安徽省宿州等州縣被水被旱著加恩加賞一月口糧

茶紀食貨

志窮

上諭御史黃中模奏請嚴禁海洋偷漏銀兩一摺所奏甚是定例廣東洋商與夷人交易祇用貨物收買轉賣不准用銀立法甚爲周備近因民間喜用洋錢洋商用銀向其收買致與江浙等省茶客交易作價甚高並或用銀收買洋貨實屬違例病民不可不嚴行查禁著廣東督撫暨海關監督派委員弁認真巡查出口洋船不准偷漏銀兩仍不時查察如有縱放之員卽行參革治罪至洋商與外夷勾通販賣鴉片煙重爲風俗之害皆由海關利其重稅隱忍不發以致流傳甚廣著該督撫密訪海關監督有無收受黑煙重稅據實奏聞並通飭各省關隘一體嚴密查拏如係何處拏獲卽應究明於何處行走

所有各關縱放員弁卽參辦示懲儆該督撫訪察不力或瞻徇不奏別經發覺立即加之懲處務期洋船出入積弊革除以清關隘而裕民生

上諭和桂等奏請通飭有漕省分徵兌漕糧務須一律乾潔一摺本年江南浙江二省糴米抵通顏色多有黑黯漕糧爲天庾正供自應一律乾圓潔淨方資久貯若將潮嫩發變之米充數如青腰白臍及顏色不鮮亮者年積年多勢必易成紅朽著通諭有漕省分各督撫嚴飭該州縣於收漕時親自驗明米色毋許僅委書役人等任意濫收儻刁劣紳士恃強勒交醜米立即嚴拏究辦仍著該管各糧道於兌漕時嚴禁旗丁不得勒捐索取幫貼通同將醜米兌運收船致有霉變嗣後漕船抵通時除沿途失風受溼米石驗明先行搭放外其驗出不堪收貯者該倉場侍郎等卽奏明駁回交該省督撫查明分別

賠換以備積貯而重倉儲

上諭御史程喬采奏請禁收漕州縣自行買補兌糧一招各省徵收漕糧禁止折色功令綦嚴若州縣官勒折買補米色必多摠雜如該御史所奏地方官甫經開徵卽虛報滿廩封倉勒折小民守候稽遲只得折色改兌倉廩並無實貯仍須買補兌交州縣冀圖買賤胥吏復肆侵欺米色豈能乾潔加以旗丁折兌不肯收好米買抵兼之多索幫費濫行兌運收倉以致抵通時每變難資久貯自係實在情形著通諭有漕省分各督撫嚴飭該州縣於收漕時親自驗明米色隨時兌收僅查有開徵數日卽行封倉勒折自用賤價買補及旗丁折兌濫收情弊卽據實嚴參懲辦毋稍瞻徇至各省設立糧道督辦收兌是其專責若令兼署他缺轉至本任拋荒嗣後卽責成該管糧道等專司稽察該督毋得另行委署別缺致有曠誤以專責守而重倉廩

上諭孫爾準奏查勘各州縣被水情形一摺

恭紀食貨志蠲賑

上諭安徽宿州等處被水被旱查明成災分數蠲免

恭紀食貨志蠲賑

上諭孫爾準奏查辦賑務仍請易錢散放一摺前據御史宋其沅條陳賑弊內稱領銀折照時價放錢每千剋扣等語經朕通諭各督撫等嚴行飭禁茲據孫爾準查明安徽省放賑歷來俱係易錢散給因災賑大口小口應領銀數零星若翦鑿湊合折耗必多州縣不能逐一較兌胥吏秤少分釐折錢計算已少十數文稽查不便又鄉愚婦孺能識數平銀色者甚少迫歸家彈兒復求找換既難相信且分釐高下亦非易辨恐轉生爭競至災戶急於售食銀非易錢不便行用兌換者多市價翔貴於窮黎殊無裨益自屬實在情形准其仍循舊章由司庫給發銀兩交該州縣衙承領易錢散放嚴禁鋪戶市僧擡價居奇並將易銀放錢實數榜示通衢俾鄉曲災黎咸皆喻曉該撫務隨

時訪察飭令經手各員妥爲辦理不可有名無實儻不肖州縣希圖染指及胥役等剋扣分肥一經查出立即從嚴參辦毋稍徇隱以副朕軫念黎元至意

道光三年

上諭上年安徽省宿州等州縣被水被旱著加恩賞給一月口糧

恭紀食貨

志錄縣

上諭陶澍奏勘辦被水州縣情形一摺安徽銅陵無爲繁昌蕪湖當塗五州縣因本年雨水過多加以上游江水漲發以致圩埧漫溢民田廬舍被淹經該撫親往履勘損傷人口無多業經飭令掩葬居民避居土埂亦經地方官搭蓋篷席散給饘餅窮黎食息有資惟戶鮮蓋藏殊堪憫惻著加恩將被水軍民一體給予撫卹一面飭令各州縣減價平糶俟水勢稍退卽設法疏消淨盡俾得補種秋禾儻一時不

能疏消難資耕作卽據實奏請恩施其上游之懷甯桐城東流績溪均報被水著迅速遴員履勘望江潛山二縣並著加恩酌給撫卹至下游各處撫卹如有未敷卽由蕪湖關就近迅速放給再由司庫解還仍飭該管道府認真查辦核實報銷其續報被水之宣城涇縣青陽貴池等處並著該撫親往挨查奏明辦理毋令一夫失所用副朕乘時布澤至意該部知道

上諭孫玉庭等奏籌議安徽省各屬被水事宜一摺本年安徽省濱江各州縣被水較重米價漸昂民食兵糈攸關自應豫爲籌備著照所請准其援照嘉慶十九年采買成案於安徽藩庫動項委員前赴四川湖廣江西等省採價購買米十萬石如價值不敷卽於採買省分就近動借一俟運回到皖先約計災缺兵糧儘先提貯餘卽分運災區減價平糶其動用銀兩若干及將來如何歸還庫款統俟事竣後

核實辦理至安徽藩庫貯存正項銀一百三十餘萬兩前曾咨部報撥該省將來辦理蠲緩賑卹及借帑興修圩隄諸務需項較多著戶部卽將此項存款暫留皖省備用毋庸撥協他省該部知道

上諭本年黑龍江莫爾根城呼蘭布特哈等四處被雨被霜齊齊哈爾被旱直隸元氏贊皇成安等縣被雹大興等一百二十州縣被水山東鄒城等八縣被雹臨清等十六州縣被水河南永城等七縣被雹蘭陽等五廳縣歉收武陟等十五縣被水浙江建德淳安二縣被水江西德化等十三縣被水湖北黃梅縣被水節經各該省奏到均已隨時降旨加恩分別蠲緩賑恤小民諒可不至失所惟念來春青黃不接之時民力不免拮据著傳諭該將軍督撫等體察情形如有應需接濟之處卽查明據實覆奏務於封印前奏到候朕於新正降旨加恩再江蘇東臺縣被雹上元等二十七廳州縣並常州府屬被

水淮徐二府屬被旱被水安徽銅陵等三十八州縣被水陝西麟遊縣被雹盤屋縣被水甘肅狄道等二十六廳州縣被水被旱被雹浙江桐廬等二十四州縣衛被水湖北江陵等十六州縣被水湖南武陵等五州縣被淹四川涪州銅梁被水廣東連州等三州縣被水雲南永善等十一州縣並黑鹽井五屬地方被水貴州都勻縣被水長蘆鹽池鹽灘被衝兩淮通泰兩屬被淹兩浙橫浦等六場被水已據該督撫鹽政等奏明隨時撫卹及委員查勘亦著迅速辦理並將來春應否接濟之處一併查明於封印前奏聞將此諭知各該將軍督撫並傳諭長蘆兩淮鹽政知之

上諭陶澍奏查明被水被旱各州縣請分別蠲緩給賑並賞給口糧一

摺奉紀食貨志調賑

上諭陶澍奏旣羨不敷請撥款支用一摺本年安徽省被災較廣額徵

耗羨銀兩多係隨微蠲緩該撫查明文武各官養廉及災屬公費一切支川短絀援照成案奏請籌撥濟用自係實在情形著照所請准其於該省鳳陽關稅課及續收捐監款內湊撥銀十萬兩歸入耗羨款內核實支用該部知道

道光四年

上諭上年安徽省懷甯等州縣被水著加恩展實一月口糧

恭紀食貨志蠲賑

上諭陶澍奏江壩工程緊要援案借帑興修一摺

恭紀河渠志

上諭本日御史郎葆辰奏請飭查棚民保甲以重地方據稱會典內載乾隆四年戶部議准江南福建浙江各府州縣內棚民照保甲例編排戶口近聞浙江江蘇安徽等省州縣凡深山窮谷之區棚民蔓延殆徧租典山地墾種山諸大半皆溫台一帶沿海之人其聲氣相通儼有奸宄藏匿不可不豫爲防範等語向來各省地方有棚居土著

山民往往以種植麻錠煽織造紙等項藉資生計其外來無業游民
前赴該處工作者亦一體編入保甲選立保長甲長專司巡察責成
州縣官據冊稽查誠以該棚民等良莠不齊往來靡定若任其占踞
山場不加約束勢必愈聚愈多無從究詰是以照例編排立法極爲
周密惟行之日久懈弛相沿自應亟爲整頓著各該督撫等嚴飭該
府州縣將棚民逐細查察按十戶設立甲長每年遞換門牌隨時抽
驗禁止匪類潛匿勾串滋事如查有不安本分鬪狠健訟之徒立即
嚴拏示懲務當實力奉行不可視爲具文併不准書役藉端擾累以
靖地方將此各諭令知之

上諭陶澍奏撲捕蝗蝻情形據稱在省城率屬虔禱於

敕建劉猛驅蝗神廟並飛飭委員督捕時宿州等處蝗子最多該道督
同州縣分帶民夫馳往一日全盡神貺昭然覽奏實深欽感朕親書

局額發交該撫敬謹摹泐製扁在省城

神廟懸掛以答

靈佑

上諭安徽省宿州靈璧二州縣及屯坐各衛著賞給一月口糧

恭紀食貨志

道光五年

上諭安徽省盱眙等縣著加恩賞給一月口糧

恭紀食貨志

上諭安徽省天長縣著加恩加賞一月口糧

恭紀食貨志

上諭陶澍奏籌辦淮河情形一摺

恭紀食貨志

上諭陶澍奏勸設義倉章程一摺

恭紀食貨志

上諭魏元煜奏籌捐生息調劑貧疾快丁一摺江南全椒縣額簽快船

四十三隻每年共需運造各費銀六千一百三十兩現在丁力日漸

困乏積欠甚多據該屬民快人等情願按糧捐輸本銀五萬一千一百零發典生息抵交運造二費俾疲快不致借墊賠累各丁亦可按期給領濟運於漕務大有裨益著准其倣照江甯等縣辦過成案將已捐本銀二萬一千三百兩先行發交安徽廬州和州滁州三屬轉給各典生息如期完解其未繳銀兩併飭於麥熟後催解補發該漕督卽妥議章程咨部備核以紓丁力而免追擾

上諭陶澍奏知州實力辦公著有成效請加升銜一摺安徽鳳陽府宿州知州蘇元璐自抵任以來選置約長勸民息訟緝拏匪棍凶暴斂跡又復勸設義學修理驛道開濬溝渠在在均有成效洵爲地方得力之員著加恩賞加同知銜仍畱宿州之任以示獎勵該部知道

上諭前據英和奏通籌漕河全局請暫雇海船以分滯運酌折額漕以資治河當交有漕省分各督撫等悉心議奏

恭紀食貨志漕運

上諭琦善等奏安徽省漕糧雇船剝運事宜一摺

恭紀食貨志漕運

上諭安徽省鳳陽等屬著將應徵各項錢糧銀米均著緩徵

恭紀食貨志蠲賑

上諭陳中孚奏酌提來年各省漕糧盤壩先後一摺

恭紀食貨志漕運

道光六年

上諭著加恩將五河鳳陽靈璧鳳臺懷遠宿松盱眙天長賞給一月口

糧

恭紀食貨志蠲賑

道光七年

上諭上年安徽省五河等州縣被水著加恩賞給一月口糧

恭紀食貨志蠲賑

上諭安徽省各府州屬被水州縣其應徵漕糧漕項著分別展緩

恭紀食貨志蠲賑

志蠲賑

道光八年

上諭鄧廷楨奏興修水利之知縣紳士請分別獎勵一摺安徽懷遠縣

郭陂塘龍王壩各工東水灌溉農田爲利最鉅年久坍塌經該縣知縣周天爵倡捐銀九百餘兩並設法勸捐董率士民實力興修業於上年冬間修築完竣附近荒田千餘頃悉成腴壤辦理頗爲認真懷遠縣知縣周天爵著加恩以應升之缺升用其捐銀二千兩以上在工始終出力之該縣貢生陳汝諧著交部從優議敘捐銀一千兩以下各戶及在工出力之委員董事著該撫照例咨部議敘以示獎勵此項工程銀兩係屬民捐民修著免其報銷

道光九年

上諭安徽省泗州等州縣衛著加恩賞給一月口糧

恭紀食貨志蠲賑

道光十一年

上諭鄧廷楨奏查明已未成災各州縣請分別蠲緩酌賞口糧一摺

恭紀

食貨志蠲賑

上諭鄧廷楨奏委員覆勘被水災區懇恩賞給口糧緩徵等語

賑

恭紀食
貨志蠲

道光十二年

上諭上年安徽省懷甯等州縣衛被水被旱著加恩展賑一月

賑

恭紀食
貨志蠲

道光十三年

上諭上年安徽省五河等三十五州縣並屯坐各衛被水被旱著加恩

展賑一月

恭紀食
貨志蠲

上諭鄧廷楨奏被水被旱各州縣衛請分別賑賞口糧蠲緩錢漕一摺

恭紀食
貨志蠲

上諭佟景文奏遵旨查明銅陵等被災各州縣衛來春應需接濟一摺

恭紀食
貨志蠲

道光十四年

上諭邵廷楨奏查明各屬被水被旱勘不成災請緩徵錢糧一摺

恭紀食貨

志獨賑

道光十七年

上諭色卜星額奏查明各屬被水受旱情形請分別緩徵一摺

恭紀食貨志獨賑

賑

道光十八年

上諭色卜星額奏查明被水被旱地方請緩徵錢糧一摺

恭紀食貨志獨賑

道光十九年

上諭色卜星額奏查明被水被旱各州縣衛懇恩分別蠲緩給賑酌賞

口糧一摺

恭紀食貨志獨賑

道光二十年

上諭上年安徽望江等州縣被水被旱著加恩展賑一月賞給一月口

糧恭紀食貨志蠲賑

上諭程林采奏請將歙歙州縣分別緩徵酌賞口糧一摺恭紀食貨志蠲賑

道光二十二年

上諭上年安徽省懷甯等州縣被水被旱加恩賞給一月口糧恭紀食貨志蠲賑

賑

上諭程林采奏請將被水被旱各州縣衛分別賑賞蠲緩一摺恭紀食貨志蠲賑

賑

道光二十二年

上諭上年安徽省懷甯等州縣被水被旱著加恩分別展賑給賑一

月賞給一月口糧恭紀食貨志蠲賑

道光二十七年

上諭王植奏查明被水被旱各州縣衛請分別蠲緩接濟一摺

恭紀食
志蠲

道光二十八年

上諭上年安徽鳳陽等州縣衛被旱被淹加恩賞給一月口糧

恭紀食
志蠲

上諭王植奏查明被災各州縣衛請分別蠲緩賑賞一摺

恭紀食
志蠲

道光二十九年

上諭上年安徽懷甯等州縣被水成災加恩展賑一月賞給一月口糧

恭紀食
志蠲

上諭王植奏查明被水受旱各州縣衛請分別蠲緩展賞一摺

恭紀食
志蠲

道光三十年

上諭王植奏查明歉收州縣懇請分別緩徵一摺

奏紀食貨志編賑

御製

大清一統志序

我大清之受

天命有天下增式廓而大一統者於今二百年洪惟

列祖

列宗威惠滂流聲明懿鑠幅員之廣教化之洽地利物華之盛官方民事之詳且備義繩軒駕以來未之有也

聖祖仁皇帝始命纂修一統志

世宗憲皇帝重加編輯至

高宗純皇帝御極之八年甫獲竣事嗣以

天威震疊開拓西域地二萬餘里因於四十有九年續有成書疊矩重

規經緯翔實

皇考仁宗睿皇帝命史館重修未及告歲爰洎朕躬荷神器付託之重
撫茲區宇祇繹乎體國經野設官分職之大溯惟我

皇祖

皇考所以因時順地變通斟酌者曰不輟書使非及時編定俾舊典有
所承而後事有所起朕實愧且懼焉茲全書告成沿述於開國之初
增輯至嘉慶二十有五年爲卷五百有六十非務爲繁富以侈示後
嗣也我

祖

宗以仁義中正治天下凡所損益如權衡之於輕重度量之於長短大
小卽一州郡之升降一官職之分合一臣一民之予奪彰瘅無非本
單心之宥密垂爲律度布爲官禮除繁存質扶條就幹始獲成書實闕

略是虞而何繁富之有稽昔禹貢九州爲後世方志之祖周禮大司徒以天下土地之圖周知地域廣輪之數漢書郡國志以下紀載日詳唐宋而還若元和郡縣志元豐九域志始專詳地理自爲一編顧政教所及皆弗克進及於古惟我朝

祖德

宗功上繼五帝三王之盛信乎

心法治統不異地異民而理攬斯編也卽其迹而道載焉矣朕惟乾惕震恐冀迪

前光深知守成之難不殊於創始願與內外百執事勉固封守而阜兆民繼自今無疆惟休亦無疆惟恤續有編錄視此典型是朕之厚望也夫

平定回疆剿擒逆裔方畧序

西域自

皇祖戡定以還土宇版章久歸聲教逆回張格爾以逋亡餘孽肇釁窺邊殆非一日潛入卡倫疊行糾煽厥辜自速既竄復來成擒行陣之間生致闕廷之下由始事以迄成功亦既於告成太學碑文備臚本末矣茲廷臣纂輯方畧成書以弁首之詞爲請乃援筆而序之曰方道也畧法也出謀發慮決策制勝明炳於幾先智周乎萬里而總不離乎道法乃足以彰聲討而殄醜虜也張逆遊魂殘喘偷息荒陬逞其譎謀倣擾邊圉固天道所不容王法所不宥臨軒命將絕域行師宵旰籌幾發蹤指授撻伐仲乎遐裔謀謨運於廟堂憂勤惕厲曷敢稍釋敬體欽崇

天道之心以行抱法處勢之事戎臣效命勁旅同仇狡兔脫而旋卽投羅狂兇奔而終於觸阱馳檻車以俘獲正藁街之刑章視前代檄諭

擒獻招致受降相去遠甚此中消息實有陰爲之驅而默爲之相者
朕仰承

昊佑寅紹

前模惟以守道執灋爲兢兢是役之歲國憲彰人心快而道法顯著於
寰區是編之垂賞罰信逆順明而道法丕昭於奕禩從前

皇祖平定準噶爾方略成於庚寅之歲迄今甲子一周而是編適成績
武綏邊後先符合尤有不可思議者豈徒摩崖創石遠耀邊陲沃雪
澆瑩全操勝算而已哉

御製文初集序

予於文惟自摠心得未嘗刻意求工潛邸時日課所積既載之養正
書屋詩文集集中矣前歲大學士曹振鏞等奏刊御製詩初集現已頒
行茲復編輯登極後至今所作各體文請付剞劂並乞弁言人君撫

有方夏一日萬幾所重原不在詞章御宇以來孜孜圖治日昃不遑
何暇染翰操觚研覃著述閱時十載得文僅五十九首顧其中摘辭
指事有與治術道原足相闡發者經筵臨雍諸論修凝之奧蘊也

聖訓

實錄諸序繼述之殷懷也

聖母萬壽恭頌篤慶承歡

慈孝之心洽焉告成太學碑文綏邊奮武逆順之理彰焉論任賢去邪
廉法昭而百官奉職序續纂通禮軌物辨而萬姓嚮方凡皆臨政之
大經宰治之根本如徒以文集視之則是懷鉛提槧絺章繪句者之
所爲豈統馭寰區者之所尚哉是集刊布觀者知予維世之深心於
宵旰敬勤闢民立教之旨或庶幾焉爰如所請而爲序云

軍機大臣像贊

并序

朕寅承大寶日理萬幾孜孜焉惴惴焉嘗恐用人行政或致闕失每遇事必虛懷延納不敢自作聰明而軍機大臣曹振鏞等皆能感戴
皇考之

遺澤暨朕之信用是以知無不言一心一德如前歲西陲用兵諸臣夙夜在公襄贊機謀承書諭旨無不盡心盡力與朕同一憂勤而大學士曹振鏞自簡授軍機大臣以來公正愼勤班聯領袖尤能殫心據實鉅細無遺茲大功告成欲循照舊章繪入功臣像而朕之不自大其事不自尙其功亦可昭示來許奈曹振鏞等善則稱君真誠遜讓朕亦難於強勉在朕心終未愜也試思漢高祖之大度唐太宗之英明運籌決勝亦必須蕭曹房杜輔助而成也矧戎馬爲國之大事朕臨御以來興戎首舉嘉予內文武諸臣各殫心力迭奏膚功不然則成功未能如此其速籌畫未能如此其善也朕思之再三大學士

曹振鏞吏部尚書文孚戶部尚書王鼎兵部尚書王麟允宜別繪一
圖親爲製贊以遂諸臣不敢列入功臣之心而又能彰明韓嶠之輔
弼得人不亦善乎至大學士蔣攸銑已授外任工部尚書穆彰阿軍
興之時尙未入直均可毋庸繪入是爲序

大學士曹振鏞像贊

親政之初首進正人密勿之地心腹之臣問學淵博獻替精醇克勤
克慎首掌絲綸

閏夏朔日喜雨適致仕尙書黃鉞謝恩摺至詩以寄之

夏閏正當小滿節

天恩賜澤夜連朝功成長養欣時順潤溢田疇小歲饒平沼溶溶波萬
頃垂楊裊裊綠千條縈懷江上思儒雅煙雨招吟逸興迢
太傅大學士軍機大臣曹振鏞八十壽辰詩以賀之

重修安徽通志

卷十

六

八表洪開甲午年嘉予元老弼仔肩

三朝雨露霑深澤一德謀猷濟巨川梁棟有徵資啟沃絲綸必慎冠班
聯長茲壽寓君臣慶政在親賢幸得賢

太傅大學士曹振鏞祭文

位隆台輔勤襄贊以作股肱職掌樞機慎出納而司喉舌眷崇班之
久列峻著風規愴遺疏之俄陳悲深雪涕爾原任太傅大學士曹振
鏞品立端方學臻淵博供職稟承父訓殫心恪守臣箴受

皇祖特達之知由詞館而洊升詹事倚

皇考逾常之眷陟卿階而擢進綸扉洎朕大統嗣膺軍機簡任汝翼汝
爲期予治日贊摠忠朕心朕德惟乃知雲從合契玉瀾繪像紫閣圖
勳領羣英則蓬島風清晉太傅則槐階望重紫纒特錫翠羽雙圓恩
蔭再移禮闈五典優寵豈循夫常格恪恭倍懷以謙衷念其曳履之

頗重以安車之賜年躋八袞誠乎一心爾有嘉謀嘉猷告於內而順於外汝爲不矜不伐愼厥始以圖厥終服官五十餘年愆尤未蹈邇予十有四載獻替無私昨覽辰而疊畀殊榮偶嬰疾而特加存問方謂一旬之內可冀安全何期數日之間遽傷凋謝亟命重臣致奠益因耆舊推恩經綈優頒帑金厚賻賢良用光夫祀典後嗣倬進於卿班悼懷而禮舉親臨覈實則諡加文正用彰珉石載式琚筵於戲天不慙遺頓失

三朝之元老人惟睠舊卓爲一代之名臣薦此芘芬靈其歆受
晉贈太子太保銜致仕戶部尙書黃鉞入祀賢良祠祭文

熙朝隆念舊之仁禮優耆碩崇祀懋飾終之典誼備哀榮慰靈爽於九原歆芘芬於百世爾晉贈太子太保銜致仕戶部尙書黃鉞績學淵通視躬醇謹起家科第曾擢秀於瓊林列職曹郎方宣勞於粉署

備古哲茂修之選受

先皇特達之知由版使而改詞臣擢宮僚而侍講席簪毫祕殿八瓛日影徐趨倬直南齋五夜奎文近仰俄升階於綸閣敷辰告之遠猷旋習秩於容臺著寅清之雅度遂聽尚書之履總提計相之綱曾典試於秋闈輶軒兩省更持衡於春榜桃李滿城端由學術之優長備擅儒臣之寵異朕纘承丕緒圖任舊臣參機務於樞廷謀猷入告領度支於農部出入有經贊成庶績之熙仰助萬機之理神清彥博朝端其謂爲靈光筆正誠懸士論咸推爲髦學勵以

先朝之碩彥已近大耋之高年鑒其引退之情允其歸休之請俾優游而自適解組身閒每存問以隨時加餐心祝廩祿優霑於家食葭枝屢賜於上方慶九表之開旬曾施錫賚冀百年之益壽克享期頤遽告淪徂彌殷震悼邀卹而奠筵載酌推恩而鐫級胥寬贈太保之官

階嘉其勲閥配賢良而廟食傾以祠官於戲緬報國之文章猷宣夙夜宜酬庸以俎豆祀秩春秋渥示褒揚尚其歆受

晉贈太子太保銜致仕戶部尚書黃鉞祭文

朕惟五福之徵先曰壽望重耆英三代之制在引年禮明去就矧其勤襄密勿樞垣資亮采之疇績懋修和民部愼度支之寄惟奉職無愆於夙夜斯飾終宜薦以馨香爾晉贈太子太保銜致仕戶部尚書黃鉞植學淵醇持躬端謹始自瓊林而擢秀旋登粉署以宣勞

皇考眷乃淹通加之倚畀遂移版使改置坊寮爲朝廷異數之隆實臣下殊常之遇祕殿入懋勤之選東觀分榮玉堂聯侍從之班南齋傑直官講讀而詞垣著績注起居而經幄揚芬兩省輜軒視學則山循左右滿城桃李掄材而典試春秋洊歷華資俾司會計在

先皇素知其謹懋而朕躬尤悉其樸誠爰於嗣位之初特晉宮銜之秩

擢參機務絲綸宣辰告之猷進掌農曹筭表寅清之度方亮工之
攸賴乃引疾之遽聞未與歸田申慰畱於數四屢陳解組至願懇於
再三難違止足之懷曲徇乞休之請猶且廩糈半賜珍藥頒頒雖志
養天和原不假蓂苓之力而情殷碩輔庸以酬葵藿之誠九袞開旬
恩眷曾施夫慶賜百年益壽遐齡冀享夫期頤遺疏忽聞軫懷無已
禮隆賜卹宮階加太保之崇額滌因公祠祀永賢良之譽於戲緬文
章於華國長思淹雅之才命俎豆以明禋享著褒榮之典欽承優渥
歆此苾芬

晉贈太子太保銜致仕戶部尚書黃鉞碑文

朕惟均財翊治敷猷嘉夙夜之勤稽典酬庸求舊悵老臣之逝緬當
年之懋績沛此日之恩綸凋俎旣陳貞珉載勒爾晉贈太子太保銜
致仕戶部尚書黃鉞品臻醇粹學有根源玉筍增輝宴開聞喜金翁

力職有分司荷

呈特達之知班聯朵殿晉中禁清華之秩名列芝房倬直南齊挹高
文於奎壁歷資西省樹峻望於蓬萊采風則芹藻流馨贊宮毓秀選
士則樞相入貢鑠院掄英才華旣奄有眾長經濟更能兼庶務宗伯
以掌邦禮經曲咸修司徒以擾兆民度支不匱朕纘承丕緒眷念耆
臣寵錫宮銜著棘槐之聞望班躋樞府同房杜之謀猷惟念八旬旣
屆俾養頤和仍因九賦攸關得資寅贊乃騰章入告屢申引疾之懷
雖溫諭慰留莫挽懸車之志託林泉以繕性非戀煙霞借圖史以娛
年並稱文獻憶昔紫團露湛鸞章隆錫嘏之恩當茲素節霜寒鶴馭
速凌霄之駕痛沈疴之忽邁懷懿範而難忘胄司崇太保之稱凝丞
並重祠祀肅賢良之典俎豆常馨象厥生平諡曰勤敏於戲豐碑屹
峙煥五色之龍文幽隧流徽表千年之馬鬣松楸永奠城功常新